



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vitis Aqvilonia seu Vitæ Sanctorvm Qvi Scandinaviam
Magnam Arctoi Orbis Peninsvlam Ac præsertim Regna
Gothorum Sueonumq[ue] olim rebus gestis illustrarunt**

Vastovius, Johannes

Coloniæ Agrippinæ, Anno M.DC.XXIII.

Odincarus senior Episcopus. C.

urn:nbn:de:hbz:466:1-38534

ODINCARVS SENIOR EPISCOPVS FLORVIT

ANNO CHRISTI 960.

IOANNE XII. Pontifice.

CONSTANT. Imperatore.

EMUNDO Rege.

*Odincarus è
Dania pulsus,
fit Sueonum &
Noruegor. E-
piscopus.*



Brema obiit.

ODINCARVS Regio Danorum genere illustris, fidei Christianæ agnitæ susceptæque causâ, patria pulsus, Suenone I. persecutionem mouente infidelis, Bremam migravit, ab Adaldago Archiepiscopo benignè susceptus. Mox in Sueoniam & Noruegiam ordinatus Episcopus, strenuè legationis suæ partes adimpleuit. Erat enim vir sanctissimus & in Diuinis scripturis versatissimus. Vnde & facile Barbaris eiusdem gentis & linguæ potuit Christianam religionem persuadere. Cumq; multiplici fructu bonorum ac ingenti fidelium animarum lucro ditasset Ecclesias in Christi pace obdormiens ad meliora transiuit præmia meritorum excepturus. Obijt Bremæ anno Domini circiter nongentesimo nonagesimo ibidem in Basilica S. Petri sepultus.

De eo Adam Brem. lib. 2. cap. 16. & 26. Abbas Stad. pag. 110. sed mortem eius refert in annum, 984. Albert. Crantz. in sua Metrop. lib. 3. c. 38. 43. lib. 4. c. 3. & in sua Suecia lib. 5. c. 12. Saxo Gram. lib. 10. & alij rerum Danicarum scriptores, qui mortem eius referunt ad Annum 1019. Genebrardus in sua Chronic.

POPPO